



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tractatus De Necessitate Et Modo Ministrandi Sacramenta Tempore pestis

Chapeauville, Jean

Mogvntiæ, 1612

9. Vtrum pastores teneantur omnibus peste infectis contrahere volentibus
præsentiam suam exhibere?

urn:nbn:de:hbz:466:1-41077

*a Masc. de
probationib.
conclus. 3.*

R. Si oppositio fiat à tertio illi incumbet probatio: si vero à proprio parochio, transfertur onus probandi in ipsos contrahentes & externum sacerdotem.

Q V Æ S T I O IX.

*Vtrum Pastores teneantur omnibus peste infectis
contrahere volentibus presentiam
suam exhibere?*

Quæstionis explicatio.

Diximus, qui tenentur assistere matrimoniis peste infectorum: Sequitur ordine, vt dicamus, quorum matrimoniis pastores aut eorum substituti teneantur assistere, an omnium, an aliquorum tantum. Non enim desunt, quæ ex hac parte videntur subinde pastorem ab huiusmodi assistentia, tempore pestis excusare.

Responsio.

Tenentur omnibus presentiam adhibere per se vel substitutum, nisi contrahere volentes impedimentum aliquod habeant, quod pastorem excuset. Probatur iis rationibus, quibus ostendimus reliqua sacramenta ministrari debere omnibus illa rite & legitime petentibus, pro omnibus enim æqualiter à Christo sunt instituta, & fideles ad illa ius habent, quo sine legitima causa priuari non possunt. Neque obstat, que

quod pastoris non sit ministrare hoc sacramentum, quod sufficit presentiam illius usque adeo necessariam esse, ut sine illa matrimonium celebrari non possit. Addimus, (*nisi contrahere volentes habeant impedimentum*) quia si pastor sciat impedimentum subesse, puta ordinis, voti, religionis, consanguinitatis, vel alterius, quod matrimonium non solum impedit, sed etiam annullat, excusatur, imo vero presentiam adhibendo, iniuriam infert sacramento, ut patet.

Dices: Quid si subsit impedimentum, quod vocant, temporis clausi, puta aduentus vel quadragimæ, quibus ecclesia vetat matrimonium contrahere, excusaturne pastor ab assistentia matrimonio exhibenda pro illo saltem tempore?

R. Si periculum est in mora, nec possit adiri commode superior, quia timetur, ne peste infectus moriatur, & è salute illius est, matrimonium cum concubina quam amat, contrahi, non excusabitur, imo vero tenebitur suam presentiam exhibere, quo saluti sui subditi in ea spiritali necessitate constituti, consulat, ut ex superioribus facile colligi

potest.

QVA